

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 12-1302-2/18. od 08.10.2018. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa VD Direktor Mr. Zijad Memišević (u daljem tekstu: Ugovorni organ)

i

2. **„BUNJO“ d.o.o. Sarajevo, ul. Alipašina bb., Sarajevo**, registrovan kod Općinskog suda u Sarajevu (MBS: 65-01-0693-13; stari broj: 1-2051), identifikacijski broj kod Porezne uprave FBiH Kantonalni porezni ured Sarajevo 4200127900004, identifikacijski broj obveznika PDV 200127900004, koga zastupa Direktor Bunjo Enes, (u daljem tekstu: Izvršilac usluga)

Dana, 08.10.2018.godine, u Sarajevu, zaključuju:

UGOVOR O VRŠENJU USLUGA
redovnog održavanja službenih vozila KJU „Gerontološki centar“ Sarajevo
„Toyota Rav 4“

Član 1.

Ugovorne strane su saglasne da Izvršilac usluga za potrebe Ugovornog organa vrši usluge redovnog održavanja službenih vozila KJU „Gerontološki centar“ Sarajevo „Toyota Rav 4“, a sve prema zahtjevima Ugovornog organa broj: 12-1302-1/18 od 02.10.2018.godine i Ponudi Izvršioca usluga, broj: 01-01/18 od 05.10.2018. godine, koji čine sastavni dio ovog Ugovora.

Usluge redovnog održavanja službenih vozila podrazumijevaju opravku svih kvarova koji nastanu na vozilima, kao i ugradnju potrebnih rezervnih dijelova i potrošnih sredstava, a vršiti će se prema nastalim potrebama Ugovornog organa.

Član 2.

Jedinična cijena usluga po jednom satu rada servisera iznosi:

- održavanje vozila **45,00 KM bez PDV-a, odnosno 52,65 KM sa PDV-om,**
- automehaničarske usluge **45,00 KM bez PDV-a, odnosno 52,65 KM sa PDV-om,**
- autoelektričarske usluge **45,00 KM bez PDV-a, odnosno 52,65 KM sa PDV-om,**
- limarsko-lakirerske usluge **45,00 KM bez PDV-a, odnosno 52,65 KM sa PDV-om.**

Prosječna cijena usluge po jednom radnom satu servisera u iznosu od **45,00 KM bez PDV-a, odnosno 52,65 KM sa PDV-om.**

Maksimalna vrijednost ovog Ugovora za ugovoreni period od **jednu godinu**, koja uključuje sve troškove koji nastanu u toku ugovorenog perioda (troškovi servisera, troškovi ugrađenih rezervnih dijelova, troškovi potrošnih sredstava i drugi nastali neophodni troškovi), iznosi **do 500,00 KM bez PDV-a.**

Ukupna vrijednost Ugovora zavisi od nastalih potreba Ugovornog organa i situacija koje se ne mogu unaprijed predvidjeti, niti planirati.

Vrijednost izvršene usluge održavanja i servisiranja će se obračunavati prema jednom radnom satu efektivnog rada ovlaštenog servisera.

Član 3.

Ugovorne strane su saglasne da se u periodu važenja ovog Ugovora, cijene usluga precizirane članom 2., neće mijenjati.

Član 4.

Ugradnja potrebnih rezervnih dijelova i potrošnih sredstava će se vršiti prema nastalim potrebama, na osnovu prethodnog dogovora i saglasnosti ovlaštene osobe Ugovornog organa.

Ugovorne strane su saglasne da svaku uslugu prati **radni nalog obostrano ovjeren.**

Cijena ugrađenih rezervnih dijelova i potrošnih sredstava iskazivati će se i obračunavati prema cjenovniku rezervnih dijelova i potrošnog materijala, koji je sastavni dio ponude Izvršioca usluga i ovog Ugovora, u skladu sa kojim će se ispostavlјati faktura u toku ugovorenog perioda.

U slučaju da u toku primjene ovog Ugovora dode do promjene cijena rezervnih dijelova i potrošnih sredstava u odnosu na dostavljenu cijenu, ponuđač je dužan dostaviti zahtjev za promjenu cijene, u protivnom, Ugovorni organ nije dužan platiti uvećanu cijenu, već cijenu koja je dostavljena na cjenovniku.

Ukoliko se prilikom pružanja usluga ukaže potreba za zamjenom vitalnih dijelova vozila, nabavka istih će biti predmet posebnog odgovorajućeg postupka nabavke.

Član 5.

Osnov za plaćanje izvršenih usluga jesu fakture/računi koje Izvršilac usluga dostavlјa Ugovornom organu za uredno izvršene usluge, a na osnovu radnih naloga potpisanih od strane ovlaštenog lica Ugovornog organa i Izvršioca usluga.

Ugovorne strane su saglasne da se fakturisanje i plaćanje ugovorenih usluga može izvršiti i zbirno mjesečno za sve usluge servisera, rezervne dijelove i potrošni materijal, izvršene i ugrađene u toku jednog kalendarskog mjeseca.

Ugovorni organ se obavezuje da će plaćanje fakturisanih ugovorenih i izvršenih usluga vršiti u roku od 7 dana od dana prijema fakture, putem transakcijskog računa Izvršioca usluga broj: broj: 1610000000970011, otvoren kod Raiffeisen bank d.d. Sarajevo

Plaćanje će se vršiti u konvertibilnim markama.

Za svako kašnjenje u plaćanju Ugovorni organ se obavezuje da Izvršiocu usluga pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Izvršilac usluga ima pravo, bez ikakve daljnje opomene, na posebnu naknadu u iznosu 100,00 KM.

Član 6.

Izvršilac usluga garantuje da će servisnu intervenciju na otklanjanju kvara na službenim vozilima Ugovornog organa obezbijediti u radnom vremenu servisa, te da će vozila Ugovornog organa uzimati u rad najkasnije 30 minuta po dolasku vozila u servis.

Ukoliko se kvar na vozilu ne može odmah otkloniti, Izvršilac usluga se obavezuje da isti otkloni naredni dan, a najkasnije u roku od tri dana. Ukoliko je za otklanjanje kvara potrebno izvršiti zamjenu rezervnih dijelova vozila koji se ne mogu obezbijediti u roku od tri dana, Izvršilac usluge se obavezuje da kvar otkloni odmah po nabavci istih, a najkasnije u roku od pet dana.

Za slučaj da iz objektivnih razloga nabavku rezervnih dijelova nije moguće izvršiti u naprijed utvrđenom roku od pet dana, Izvršilac usluga je obavezan da o tome obavijesti Ugovorni organ, te da otklanjanje kvara izvrši odmah po nabavci istih.

Ugovorne strane su saglasne da se potrebna usluga redovnog održavanja vozila, koja nije hitnog karaktera, može unaprijed dogovoriti.

Član 7.

Poslove na održavanju i servisiranju vozila, izvršavat će ovlaštena stručna lica Izvršioca usluga, na lokaciji servisa.

Izvršilac usluga se obavezuje da će pružanje ugovorenih usluga vršiti prema važećim standardima i pravilima struke, sa originalnim rezervnim dijelovima, te da neće ugrađivati zamjenske, niti reparirane dijelove. Izuzetno, u slučaju nemogućnosti nabavke originalnih rezervnih dijelova za vozila, Izvršilac usluga može, uz prethodno pismeno obavještenje i saglasnost Ugovornog organa, izvršiti i nabavku od proizvođača preporučenih rezervnih dijelova.

Ugovorne strane su saglasne da **garancija za ugrađene dijelove i izvršene usluge iznosi 12 mjeseci** od datuma ugradnje dijelova i pruženih usluga.

Izvršilac usluga garantuje blagovremeno i kvalitetno vršenje usluga, a u slučaju reklamacije na nekvalitetno obavljene usluge, obavezuje se na ponovno izvršenje istih o svom trošku.

U slučaju ponovljenog kvara, bez uticaja ljudskog faktora ili potrebe ponovne zamjene ugrađenog rezervnog dijela u garantnom roku, Izvršilac usluga se obavezuje isti otkloniti ili rezervni dio zamijeniti o svom trošku.

Ukoliko Ugovorni organ utvrdi bilo kakve nedostatke nastale prilikom otklanjanja kvara, usljed kojih je kao posljedica nastupila šteta na vozilima Ugovornog organa, Izvršilac usluga je dužan da nadoknadi eventualno prouzrokovanu štetu.

Izvršilac usluga ne odgovara za kvalitet usluga u slučaju više sile (elementarne nepogode i sl.), odnosno događaja koje nadležni sud priznaje kao višu silu.

Član 8.

Ukoliko Izvršilac usluga zakasni sa izvršenjem ugovorene obaveze, dužan je platiti Ugovornom organu, za svako kašnjenje u izvršenju ugovorenih obaveza, **ugovornu kaznu** u iznosu od 5% od vrijednosti konkretne predmetne usluge sa kojom se zakasnilo.

Ugovorne strane su saglasne da je za slučaj neizvršenja ugovorenih obaveza Izvršilac usluga dužan platiti Ugovornom organu, ugovornu kaznu u iznosu od 5% od vrijednosti ovog ugovora.

Ugovorni organ se obavezuje da Izvršioca usluga odmah obavijesti o svakom kašnjenju u izvršenju ugovorenih obaveza ili neizvršenju istih, na osnovu koje je Izvršilac usluga obavezan umanjiti iznos fakture za plaćanje u skladu stavom 1. i 2. ovog člana.

Pored prava iz stava 1. i stava 2. ovog člana, Ugovorni organ ima pravo naknade štete, ako je ista prouzrokovana ovim zakašnjenjem ili neizvršenjem.

Član 9.

Za sve eventualne reklamacije za izvršene usluge koje su predmet ovog Ugovora, Ugovorni organ će upozoriti Izvršioca usluga i odrediti mu primjeren rok za ponovno izvršenje reklamirane ugovorene obaveze.

Ako do isteka tog roka Izvršilac usluga ne postupi po zahtjevu Ugovornog organa, Ugovorni organ može raskinuti Ugovor i zahtijevati isplatu ugovorne kazne, kao i naknadu štete uzrokovane neizvršenjem obaveza u skladu sa ugovorenim.

Član 10.

Ukoliko u toku izvršenja ovog Ugovora nastupe okolnosti koje se u vrijeme zaključenja Ugovora nisu mogle predvidjeti, a koje utiču na njegovo blagovremeno izvršenje, ugovorne strane će preispitati te okolnosti i sporazumno utvrditi novi rok za izvršenje ugovorenih obaveza.

Izvršilac usluga je dužan da o nastalim nepredviđenim okolnostima zbog kojih je ometen u izvršenju Ugovora odmah pismeno obavijesti Ugovorni organ.

Član 11.

Ovaj ugovor se zaključuje na period od jedne godine i stupa na snagu danom potpisivanja obadvije ugovorne strane.

Izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 12.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 13.

Ugovorne strane mogu ovaj Ugovor raskinuti i prije njegovog isteka ukoliko se jedna od ugovornih strana ne bude pridržavala odredaba istog, uz otkazni rok od 30 dana, uz predhodno izmirenje svih ugovorenih obaveza.

Ugovor se smatra raskinutim po isteku otkaznog roka od 30 dana od dana prijema pismenog obavještenja o otkazu ovog Ugovora.

Član 14.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 15.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

IZVRŠILAC USLUGA

Broj: J.O. / 059-2018

Sarajevo, 15.10.2018.



UGOVORNI ORGAN:

Broj: 12-1302-4/18

Sarajevo, 08.10.2018. godine

